



Posbus 7113, Newtonpark, 6055  
Telefoon (041) 3651233  
h/v Willetstraat en 4de Laan, Newtonpark, 6045  
E-pos: admin@lnpark.co.za /

*'n Blink toekoms begin hier!*

## NUUSBRIEF 30

# 6 September 2024

### UIT DIE KANTOOR

Geagte Ouers

#### **GESINSKAMP 30 AUGUSTUS 2024**

Ons wil al die ouers wat die stormweer trotseer het, om die gesinskamp by te woon, bedank vir julle teenwoordigheid. Dit was 'n baie lekker kamp met die kinders wat die vlak vol gespeel het. Indien u foto's geneem het, sal ons bly wees as u dit aan ons deurstuur, ons wil dit graag op facebook plaas.

#### **BASAAR**

Die skool se jaarlikse basaar vind vanmiddag van 13:00 tot 17:00 plaas. Voorlopig baie dankie vir u ondersteuning.

#### **SPORT**

Ons begin 9 September met atletiekoefeninge ter voorbereiding vir ons kleure-atletiekbyeenkoms wat in die vierde kwartaal plaasvind. Ons moedig al ons leerlinge aan om die oefeninge by te woon. **Slegs leerlinge wat die oefeninge bygewoon het, sal toegelaat word om aan die kleure-atletiekbyeenkoms deel te neem.**

#### **2025 BEGROTINGSVERGADERING: 17 OKTOBER 2024**

Hiermee gee ons u kennis van die 2025-begrotingsvergadering wat op Donderdag, 17 Oktober 2024 om 17:30 in die skoolsaal gehou sal word.

Tydens hierdie ouervergadering sal die voorgestelde begroting vir 2025 vir oorweging en goedkeuring, met of sonder wysiging aan u voorgelê word.

Enige ouer of wettige voog van leerlinge in die skool het die reg om die vergadering by te woon. **Die begrotingsdokumente sal vanaf 19 September by die kantoor ter insae beskikbaar wees.**

#### **ONDERSTEUNERSHEMDE**

Ons wil al ons ouers aanmoedig om vir u Laerskool Newtonpark-ondersteunershemde aan te skaf. U kan by ons klerewinkel kom aanpas, dan doen ons bestellings.

## VAKANSIENASORG: SEPTEMBER 2024

Die vakansienasorg gaan voort.

Die voorgestelde tydperk is:

- 1. Maandag, 23 September 2024 tot Vrydag, 27 September 2024 (4 dae). (Skole sluit Vrydag, 20 September en begin Dinsdag 1 Oktober 2024)**
2. U moet asseblief ook onderneem om die nasorgtye nl. 07:15 tot 17:30, stiptelik te eerbiedig.

**Die tarief beloop R90 per dag, per kind, en R360 vir 1 kind vir die 4 dae. Die bedrag vir 2 kinders is R670 vir die 4 dae, en is vir die volle tydperk, vooruitbetaalbaar.**

**Daar is beperkte spasie. Sperdatum vir aansoeke is Vrydag, 13 September 2024.**

Indien u graag van die vakansienasorg gebruik wil maak, e-pos Mev. Laas by [fin@lnpark.co.za](mailto:fin@lnpark.co.za)

### FACEBOOK-BLAD: SKOOLKLERE

Die facebook-groep, SKOOLKLERE - Laerskool Newtonpark, bestaan steeds en dit is lekker besig daarop. Maak gerus van die gerief gebruik as u van skoolklere wil ontslae raak wat te klein geword het vir u kinders.

### LAERSKOOL NEWTONPARK FACEBOOKBLAD

Besoek gerus ons skool se amptelike facebook-blad, @LaerskoolNewtonpark.co.za, die blad se profielfoto is die skoolwapen. Dis lekker om na foto's te kyk en met ons leerlinge te spog. Bly ook op hoogte met die nuutste gebeure.

### TOELATING 2025: GRAAD 2 – 7

Op Dinsdag, 16 Julie 2024 is daar 'n brief in verband met bogenoemde aan elke ouer gestuur. Die personeelvoorsiening van Laerskool Newtonpark is afhanklik van ons jaarlikse inskrywings. Ons versoek u om asb. die skeurstrokie, onderaan daardie brief, te voltooi en onverwyld saam met R900 deposito (per kind) skool toe stuur of te EFT om sodoende te verseker dat u kind(ers) 'n plek het.

Die bedrag is voor/op 30 September 2024, betaalbaar. Hierdie bedrag is nie-terugbetaalbaar en sal dien as deel van die eerste betaling op u kind(ers) se skoolgelde vir 2025. Sodra die betaling ontvang word, sal u kind(ers) se inskrywing as afgehandel beskou word.

### SKOOLGELDE 2024

Die volgende wyses van betaling is beskikbaar: **maandelikse debietorder** oor 10 of 11 maande. (Januarie/Februarie – November en is opbetaalbaar voor/op 30 November 2024. 'n Debietorder kan slegs op 'n tjek-/spaar-/transmissierekening ingestel word.) U mag ook die **skoolgelde EFT**. Ons beskik ook oor 'n **kaartmasjien** by die skool wat u kan gebruik.

Op die verwysing van die inbetaling moet u asseblief die rekeningnommer en u kind se van en naam verskaf, en u bewys van betaling aan [fin@lnpark.co.za](mailto:fin@lnpark.co.za) e-pos.

**Alle graad R-gelde is maandeliks vooruitbetaalbaar en nasorggelde is kwartaalliks streng vooruitbetaalbaar.** Geen verligting word ten opsigte van hierdie dienste toegestaan nie, aangesien hierdie aktiwiteite deel van die skool se vrywillige program is.

Die betaling van skoolgelde is 'n wetlike verpligting (Staatskoerant no. 29311). Indien u in gebreke bly om u skoolgelde te betaal, sal dit wetlik afgedwing word.

## ELEKTRONIESE BETALINGS

Op die verwysing van die inbetaling moet u asseblief die rekeningnommer en u kind se van en naam verskaf. U moet ook die bewys van betaling per e-pos aan [fin@lnpark.co.za](mailto:fin@lnpark.co.za) stuur.

REKENINGNAAM	<b>LAERSKOOL NEWTONPARK</b>
BANK	<b>ABSA</b>
REKENINGNOMMER	<b>1400490089</b>
TAKKODE	<b>632005</b>

### GEDAGTE VIR DIE WEEK



Geniet die naweek saam met jul kinders.

SKOOLHOOF

E-pos: [skoolhoof@lnpark.co.za](mailto:skoolhoof@lnpark.co.za)

Tel : 0846935318

# ALGEMEEN

## BELANGRIKE DATUMS VIR VOLGENDE WEEK:

Die volgende datums moet u asseblief op u kalender aantekene:

- Ma – 9 September : Klerewinkel: **07:30 tot 12:00**  
Biblioteekboeke inhandig  
**ATLETIEKROOSTER BEGIN**
- Di – 10 September : Senior Koor : **07:25 tot 08:00**  
**Finansiële komiteevergadering 17:00**
- Wo – 11 September : Junior Koor : **07:30 tot 08:00**  
Klerewinkel: **12:00 tot 14:30**
- Do – 12 September : Senior Koor : **07:25 tot 08:00**
- Vr – 13 September : Klerewinkel: **07:30 tot 12:00**  
Junior Koor : **07:30 tot 08:00**  
**Graad 7-karwas fondsinsameling**  
**Kennisgewing van begrotingsvergadering**  
Wintersport-interhuis-afsluiting : Tennis/Skaak
- Sa – 14 September : Wintersport-interhuis-afsluiting : Rugby/Netbal  
**LNP Chess Tournament** : Spring Chess **07:30 – 14:00** in skoolsaal

# SPORT EN KULTUUR

## NETBAL

DATUM	SPAN	TEEN	UITSLAE
29 Augustus	0/10B	Greenwood B	LNP wen 16 – 1
29 Augustus	0/11C	Greenwood B	LNP wen 7 – 3

## STULTING SPORTDAG : NETBAL

DATUM	SPAN	TEEN	UITSLAE
31 Augustus	0/13A	Graslaagte	LNP wen 7 – 4
31 Augustus	0/13A	Jeffreysbaai	LNP verloor 7 – 13
31 Augustus	0/13A	Ooskus Gimnasium	LNP verloor 4 – 6
31 Augustus	0/13A	Paul Sauer	LNP verloor 4 – 8
31 Augustus	0/13B	Paul Sauer (gemengde A/B span)	LNP wen 6 – 2
31 Augustus	0/13B	Sondagsrivier A	LNP verloor 2 – 13
31 Augustus	0/13B	Jbay Academy	LNP wen 7 – 1

## BLANCO RUGBYTOER

DATUM	SPAN	TEEN	UITSLAE
30 Augustus	0/13A	Paul Sauer	LNP wen 38 – 7
31 Augustus	0/13A	Blanco	LNP wen 17 – 14
31 Augustus	0/13A	Laurus	LNP verloor 7 – 38

## **SOKKER**

Aaron Nortier in graad 5D het op 1 September saam met sy span, Callies Highlanders teen Westbrook Wolves in die semi-finale-rondte gespeel. Hulle was gelyk-op na die 40min spel en moes na “penalty-shootout” gaan waar hulle met 2 punte verloor het. Westbrook Wolves is deur na die finale saam met Callies Lionhearts wat Old Grey Jaguars gewen het in die “penalty-shootout” tydens hulle wedstryd. Die Callies Highlanders gaan vir 'n 3de of 4de plek teen Old Grey Jaguars uitspeel. Baie sterkte vir die volgende wedstryd, julle! Ons hou duimvas.



## **NMB DANCE FESTIVAL**

Mieke Loots in graad 7D het Maandag, 26 Augustus aan die NMB Dance Festival, met Defying Gravity dansskool deelgeneem. Haar “modern group dance” het silwer vir hulle item ontvang. Baie geluk, Mieke!





# Laerskool Newtonpark



Gestig 1926

## BEHEERLIGGAAMPOS

### **Internskap vir mansstudent wat 'n afstandsonderrig kursus volg:**

B.ED Graad (4 jaar): Intermediêr- en seniorfase  
(Onderrigmedium: Afrikaans)

Meld buitemuurse ervaring / belangstellings

Aanvangsdatum vanaf 1 Januarie 2025

Taal van onderrig: Afrikaans

### **Voorkeur sal gegee word aan:**

- ▶ Tweedejaarstudent vir 2025.
- ▶ Persone met goeie akademiese resultate in Graad 12 of na skool behaal het.

### **Voordele vir die suksesvolle kandidaat:**

- ▶ Goeie mentorskap deur ervare onderwysers
- ▶ Professionele opleiding in 'n goed georganiseerde werksomgewing
- ▶ Deelname aan 'n verskeidenheid van buitemuurse aktiwiteite
- ▶ Finansiële bydrae tot studiekostes
- ▶ Maandelikse toelaag

**Om aansoek te doen vir hierdie internskap, kan belangstellendes die aansoekvorm van die skool se webwerf aflaai.** Direkte skakel na hierdie aansoekvorm:

[https://laerskoolnewtonpark.co.za/bfd\\_download/aansoekvorm-voor-internskap/](https://laerskoolnewtonpark.co.za/bfd_download/aansoekvorm-voor-internskap/)

Die voltooide aansoekvorm en vereiste stawende dokumente moet by Laerskool Newtonpark (h/v Vierdelaan en Willetstraat, Newtonpark) ingedien word of kan per e-pos gestuur word aan: [skoolhoof@lnpark.co.za](mailto:skoolhoof@lnpark.co.za)

Kontak die skool indien jy enige vrae het.

- **Slegs persone wat na die onderhoud genooi word, sal gekontak word.**
- **Die persone wat genooi word vir die onderhoud, moet 'n Polisieklaringsbewys indien by die onderhoud.**
- **Die beheerliggaam behou homself die reg voor om nie die pos te vul nie.**

**Sluitingsdatum: 2 Oktober 2024 (12:00)**